

familiam. ab omni expeditionis grauamine et jmpetitione exactoria. Jnne. stuuth. vectigalibus. ceterisque solucionibus oneribus et seruiciis juri regio attinentibus. Liberos pariter et exemtos. Vnde sub optentu graciae nostre Districte precipimus ne. quis. Dictos Dominos lundenses canonicos. super indulta eis libertate. presumant aliquatenus molestare Quod qui facere presumpserit. nostram non effugiet ingratitude et vindictam. In cuius rei testimonium. Sigillum nostrum presentibus duximus apponendum. Datum helsingebugh Anno Dominj .M°. CC°. LXXXVIII°. Quarta feria proxima ante Dominicam palmarum. presentibus matre nostra dilecta .H. Priore de Andworthscogh Joon litle. et petro Dapifero.

960.

1288 d. 9 Apr.

Lund.

Ärke-Biskopen JOHANNIS i Lund Bref om inrättandet af Johannes Döparens altare i kraftskyrkan och om dertill gifvet anslag.

B. 1. 169.

Dotacio altaris beati johannis baptiste in cripta, cuius presentacio pertinet ad decanum.

JOHANNES Dei gracia Lundensis archiepiscopus suecie primas, omnibus presentes litteras inspecturis. salutem in domino Vniuersitati vestre. tenere presencium. innotescat. quod altare beati johannis in cripta instrui fecimus cum paramentis necessariis ad ornatum. ac eidem bona infrascripta. jure patrimonii, cum adhuc essemus in minori constituti officio acquisita. contulimus et assignari fecimus coram lundensi capitulo et pretorio ciuitatis. ex quibus sacerdos ibi celebrans valeat aequaliter sustentari. videlicet duas tabernas gladiatorum et fundum cum domibus in via piscatorum quem habuimus de thitimanno kruel. necnon tabernas cum fundo in eodem vico quas emimus de erlando suffecto. mansionem eciam. quam habuimus in flakathorp. Cupientes igitur in vita nostra dicto altari de persona ydonea prouidere, volumus. quod dominus johannes margarete ipsum habeat cum bonis supradictis juribus et suis pertinentiis quoad viuit. tali condicione. vt in qualibet ebdomada ibi cantet tres missas. vnam de beata virgine. aliam de sancto johanne baptista et terciam de beato Laurencio. Post obitum vero ipsius domini johannis alia persona instituatur per dominum decanum lundensem qui pro tempore fuerit Et ibidem celebret. sicut est superius pretaxatum Vt autem hec nostra ordinacio existere possit firmitatis perpetue. presentibus. nostrum sigillum cum sigillo Lundensis capituli

Duximus apponendum. nec non et contradictores et impediētes sepedictum johannem vel alium qui temporis processu ibi celebrauerit super nominato altari et bonis ei assignatis molestauerint in aliquo. quominus omnium ipsorum que dicta vel ordinata sunt valeant possessione seu retencione gaudere pacifica in hiis scriptis. excommunicacionis sentenciam promulgamus Datum Lundis. anno Domini M CC LXXXVIII sexta feria post octauam pasce.

961.

1288 d. 13 Apr.

Rom.

Påfven NICOLAUS IV:s tillstånd för Cistercienser-Ordens Nunnor i Sigtuna att emottaga och bibehålla fast och lös egendom, hvilken dem såsom världsliga personer lagligen skulle tillkomma, med undantag blott af förläningar.

A. 3. a. 8. *)

NICOLAUS Episcopus seruus seruorum dei Dilectis in christo filiabus Priorisse & Conuentuj. Monasterij de Sictunia per priorissam solite gubernari Cisterciensis ordinis Strengenensis dyocesis Saluta & apostolicam benedictionem deuocionis vestre precibus inclinati. ut possessiones & alia bona mobilia et immobilia que liberis & absolutis personis monialium uestrarum ad monasterium uestrum mundi vanitate relicta conuolancium. et professionem faciencium in eodem iure successionis uel quocumque alio tytulo iuste si remansissent in seculo contigisset. ac ipse transferre in alios libere potuissent feudalibus dumtaxat exceptis. valeatis petere. recipere ac eciam retinere. sine iuris preiudicio *alieni auctoritate* presencium vobis indulgemus Nulli ergo. &c &c. Datum Romæ apud sanctum petrum Jdus Aprilis pontificatus. nostri. Anno. Primo.

962.

1288. d. 21 Maj.

Rom.

Påfve NICOLAUS IV:s Bulla angående Konung MAGNUS I:s giftermål.

9612

F. 1. 326. An. 1. Ep. 65.

Nicolaus IV. dispensationem indulget Magno Svetiæ Regi ab impedimento publice honestatis pro matrimonio contracto cum Helvigia, ac prolem enatam legitimam decernit.

Nicolaus &c Carissimo in Christo filio Magno Regi Svetie Illustri Salutem &c.

*) Efter en odaterad, af Borgmästare och Råd i Strengnäs bestyrkt afskrift.